

# Antologia poetica d'in Puschlavin

■ Il poet puschlavin Paolo Gir, naschi a S-chanf ils 3 da matg 1918, diplomà da l'università da Perugia, stat a Cuira dapi decennis. Gist per ses 80avel anniversari ha la chasa editura Dadò da Locarno publictà «L'azzurro di sera», ina schelta da 59 poesias ch'ins chatta gia en volums anteriurs da Gir e d'otg tocs anc ineditids. Quellas poesias fascineschan pervi da lur temas colliads cunzunt cun siemis e regardanzas:

*Suono di fisarmonica  
dalla soffitta  
d'albergo.  
Pioggia d'argento  
sulla mia anima inaridita,  
sulla polvere del mio cuore (...).  
Rivedo un gioco  
d'adolescenti bionde (...),  
ricordo il getto della fontana*

*che cade sullo specchio  
del cielo a frantumi.*

(Sun d'orgel a maun / giu dal palantschin / d'hotel. / Plievgia d'argient / sin mia olma setgentada, / sin la pulvra da mes cor. / (...). / Jau fatsch endament in gieu / da giuvnas blondas, / (...) / il radi d'aua dal bigl / che croda sin il spievel / dal tschiel en tocs.)

I po dentant succeder ch'il poet veglia sa schliar da las regardanzas:

*Cerco uno zaffiro  
duro che tagli  
il ricordo,  
la lama che stacchi  
il passato  
dal suo peso grave  
di sabbia.*

(Jau tschertg in safir / dir che taglia / la regardanza, / la nizza che statgia / il passà / da ses pais grev / da sablun.)

Las poesias da Gir n'èn betg per lecturs en prescha. Mintga toc provoche-scha da meditar. Tgi che legia sto far silenzi en sasez e tadlar il resun che la poesia evochescha en ses cor.

Quai tira endament l'inscripziun ch'ornescha pliras chasas da l'Engiadina bassa: «La via es stipa, at ferma ün moimant, la prescha dal muond nu't renda cuntaint».

Il carstgaun sto tadlar sia vusch interna per vegnir pli uman; quai è la lecziun dal Puschlavin mez Engiadinais Paolo Gir, tenor il cussegel d'Augustinus: «Va betg ora! En l'intern dal carstgaun stat la vardad.»

*Guiu Sobiela-Caanitz, Ardez*